



مشیتِ جلیلہٗ اسلامیہ نمکِ جریدہٗ رسیہ سیدر  
صفر ۱۳۳۴ [\*]

عدد: ۲۰

آیدہ بر نشرِ اولنور

ایکونجی سنہ

## اراده سنیه

« صورت خط هایون »

ملفوظ مضبوط موجز به عمل اوله

محمد رشاد

« عرض تذکره سی صورتی »

مهر و نفقه نك تسویه سنده و حقوق زوجیه رعایتده عذیم الاقدار بولنانلرك ازدواجی نظر حرمتله كوره رك تأهلی احكام عالیة شرعیه نك بالاطراف نتیجه تأملی تلقی ایلیان و بناء علیه سعادت عائله نك مبنای مبینی اولمق و نوع بشرك ترایدینی كافل بولتمق حسیبله نكاحك عوارض جزئیة ایله زوالنی موافق كورمیان ائمه خفیه علیهم رحمة رب البریه حضرتانك زوج غائب اوله رق استحصال نفقه متعذر اولسه دخی عقد نكاحك فسخ اولنه مامسنی و قاضی نفقه تقدیر ایدرك زوجه بالاستقراض نفسنی اتفاق ایدوب زوجك عودتنده اكا مراجعت ایلمسی صورتنده کی اجتهاد لرنده متجلی حكمت فاضله دركار اولمغله برابر امام مالك رضی الله تعالی عنه و امام شافعی رضی عنه الباریدن برروایت كوره زوج غائب اولوبده تحصیل نفقه متعذر بولندینی تقدیرده زوجه نك طلبی اوزرینه فسخ نكاح اولنه بیلوب امام احمد بن حنبل رضی الله تعالی عنه دخی زوجك غیبتله استحصال نفقه نك تعذری صورتنده فسخ نكاح ایدیه بیلمكله اجتهاد ایلمش اولدقلرینه و زوجك عودتنده آندن استحصال ایدیه جکی امیدیه مدت مدیده زوجه نك تمیشتنه کافی مبالغی اقراض ایلیه جكلرك ندرتی برچوق سفالتی مؤدی اولدینی کی ترقیات عصریه ایله متناسباً تراید ایدن اختلاطات نتیجه سی اوله رق دول سائر تبعة سندن برطاقم مسلمانلر مسافرت ویا تجارت طریقله موقتاً بمالك عثمانیه كهرك دولت علیه تبعة سندن اسلام قادینلرله ازدواج ایتمكده و بعضلری زوجه لرینی بلانفقه و لامنفق براقوب بردها كلماك اوزره مملكتلرینه عودت ایلمكده اولدقلری و بوتقدیرده استحصال نفقه یه امكان بولنه میوب زوجه وفاتنه قدر كمال سفالته امرار زمان ایلمكده اولدینی كورلمكده بولندیغنه نظراً امام احمد بن حنبل حضرتلرینك اجتهادلری عصرك احتیاجاته اوفق و ناسك معاملاتنه ارفق اولوب

مسائل مجتهد فیهاده امیرالمؤمنین حضرت تری هانکی قول اوزره عمل اولنسیله امر و فرمان بیوررلر ایسه انکله عمل اولنق مقتضی اولدیغندن و قنواخانه عالینک هیئت افتایشه قسمنه عائد ۳۰ شعبان ۱۳۳۲ تاریخی نظامنامه نك التجی ماده سنده هیئت مذکوره مذهب حنفیه غیر مفتایه عد اولنان برقولی مصلحت عصره اوفقیقتدن ناشی اختیار ایدرم ویا الجای مصلحت ایله ائمه ثلاثه مذاهنه عائد برقولی ترجیحاً موافق کورر ایسه بوبادیم مدلاً بر مضبطه تنظیم ایده جکی مصرح بولندیغندن هیئت مذکوره جه احتیاجات و الجآت عصریه یه کوره بومسئله ده کی قول خنبیلینک دلائل ترجیحیه سنی متضمن سالف الذکر ماده نظامیه یه توفیقاً تنظیم و قنوی امانته تودیع ایدیلوب اعطا قلنان ولفاً عرض و تقدیم اولنان مضبطه ده مندرج و بالایه عیناً محرر ماده نك دلائل مسروده موجبنجه احتیاجات عصریه ورفاهت اجتماعیه یی تأمین ایچون بعدازین بالعموم قضا و افتاده دستور العمل اولسی ضمنتده خط هایون حضرت خلافتناهیله توشیح بیورلسی امیرالمؤمنین اقدمز حضرتلرینک عتبه سنیه ملوکانه لرندن مسترحم بولندیغی معروضدر اقدم .

۲۹ ربیع الاخر ۱۳۳۴

ملفوظی :

« قنوا خانه عالی . مضبوطه سی »

زوج غائب اوله رق نفقه نك تحصیل متعذر اولدیغی تقدیرده زوجه نك طلبیه قاضی نکاحی فسخ ایدر .

ائمه حنفیه رحمهم الله تعالی یه کوره مأ کول و ملبوس و مسکندن عبارت بولنان نفقه نك انواع ثلثه سندن زوج عاجز یا زوج غائب اوله رق استحصال نفقه غیر ممکن اولسه دخی عقد نکاح فسخ اولنه ماز . قاضی زوجه ایچون نفقه تقدیر ایدره ک بعده زوجه اذن قاضی ایله بالاستقراض نفسنه اتفاق ایدوب زوج اکتساب یسار یا غیبتدن عودت ایدنجه اکا مراجعت ایدر .

نکاح برعائله نك سعادتتی تشکیل ایدن و نوع بشرک ترایدیغی موجب و من لدن آدم الی یومنا هذا مشروع بر نعمت الهیه اولوب نعمت عظیمه مذکوره نك بوکبی عوارض جزیه ایله ازاله و ابطال ایدلسنی ائمه حنفیه موافق کورم دکری مثللو ذاتا مهر و نفقه نك

اعطا وتسويه سنه و حقوق زوجيته رعايته عديم الاقتدار كمنه لك تأهل ايدرك زوجيه  
اضرار ايللى عند الحفيه حرام اولدينى جهته اخلاق حسنه اصحابي احكام شرعيه نك  
هر جهتي تأمل ايدرك اندن صكره تأهل ايد جكلرينه مبنى بويولده عجز انفاقدن طولاي  
افتراقه اندر اوله رق احتياج حس ايتسه بيله بوكي نوادر احكام قواعد عموميه نك اخلاسه  
سبب تشكيل ايدميه جكي آشكار بولمغله مذهب حفينك اخلاق فاضله اصحابي حقنده  
موافق حكمت بولندينى دركارد.

امام مالك رضى الله تعالى عنه و امام شافعى رضى الله عنه دن بر روايته كوره زوج  
موسر اولسه بيله غائب اولوبده اندن تحصيل نفقه متعذر بولندينى تقديرده طلب زوج  
اوزرينه فسخ نكاح اولنه بيلور. نته كيم زوجك غيبتيله استحصال نفقه نك تعذرى صورتند  
احمد بن حنبل رضى الله تعالى عنه كوره دخى فسخ نكاح ايديله بيلور.

ائمه حفيه يه كوره بالاده مذ كور غيت زوج سبيله زوجة نفقه دن محرومه قالدينى تقديرده  
قاضى حنفى، شافعى يا حنبلى مذهبنه مقلد بولنان علمادن بر ذاتى انابه ايدوبده اكا  
فسخ نكاح ايله حكم ايتديرسه بو حكم صحيح و طرف قاضيدن تنفيذى لابد و بوندن  
صكره بعد تقضاء العده مزبورده نك ديكر برى طرفدن تروجى جائز اوله جنى كبي بعد  
بعد زوج غائب اولوبده مزبورده نفقه بر ائش اولدينى و بناء عليه فسخ نكاح غير صحيح  
ايدوكنى ادعا و بونى اثبات ايد جك اولسه اولكى بينه حكم قاضى ايله ترجيح ايتديكنه  
مبنى زوجك مذ كور بينه سى قبول و قضا و حكم واقع ابطال اولنه ماز.

بروجه مشروح انابه صورتيله فسخ نكاح ايدلمسك جوازينه فتواخانه دن افتا ايدلمكده  
ايسه ده ممالك محروسه نك هر جهتنده شافعى و حنبلى مذهبلرينه سالك فقها بولنه مدينى  
جهته انابه صورتيله فسخ نكاح مقصدى تماميله تأمين و كافل اوله مامشدر.

زوجه نك عجزى دركار و آتیده غيبتدن عودت ايدرك اندن استحصال اولتور  
اميديله مدت مديده زوجة نك تعيشنه كافى مبالغى اقراض ايدن كمنه بوله ميه جنى آشكار  
بولندينى جهته بو احوال زوجة نك عظيم ضررينه مؤدى اولمغله برابر عصر حاضرده  
هر دولت تبعه سندن مسلمانلر مسافرت و تجارت طريقيله موقتاً ممالك اسلاميه يه كلهرك  
دولت عليه تبعه سندن بولنان اسلام قادينلريله ازدواج ايتدكدن صكره زوجة لرinx بلا نفقه  
ولا منفق براغوب بردها كلامك اوزره ممكتلرينه عودت ايتمكده اولدقلى دخى كشير اواقع

اوله رق بو تقدیرده زوجه ایچون استحصالی تفقه عذیم الامکان قالوب زوجه وفاتنه دکن سفالتله امرار زمان ایلمکده در. واقعا بو کبی اجنیلر ایله ازدواجدن منع ایدلمسی وارد خاطر اولور ایسه ده منع مذکور احکام شرعیه ایله قابل توفیق اوله میه جنی کبی احکام عالیہ شرعیه جه نکاح سائر عقود کبی اهلیت شرعیه یی حائر بولنان زوجینک ایکی شاهد حضورنده کی ایجاب و قبولی ایله منعقد اوله جغه مبنی منع مذکور دن بر نتیجه مادیه نک استحصالی غیر ممکن بولمشدر.

اختلاف مجتهدین عباد ایچون باعث رحمت وبر مذهب سالک بولنان ذاتک عند الاضطرار دیگر مذهب کوره اولان بر مسئله ایله عمل ویا افنا ایتمسی تجویز کرده شریعت اولدیغی کبی مسائل مجتهد فیهاده امیر المؤمنین حضرت تبری هانکی قول ایله عمل اولنمسیله امر و فرمان بیورر ایسه آنکله عمل ایدلمسی مقتضی ایدوکی کتب فقهیه ده مصرح بولندیغه وماده معروضه حنبلی مذهبیه تمامیه موافق ایدوکنه مبنی در دست ا کمال بولنان کتاب الطلاق مناسب بر فصلنه علاوه ایدلک وبو مسئله ایله علاقه دار اولان مواد سائر ا کا کوره تنظیم قلمق اوزره تقدیم قلنان ماده حقده اراده سنیه نک استحصالی موافق مطالعه اولنمش ایسه ده اولبایده

۲۳ ربیع الاخر ۱۳۳۴ و ۱۴ شباط ۱۳۳۱

|                 |                 |                 |                 |
|-----------------|-----------------|-----------------|-----------------|
| هیئت تألیفیه دن | هیئت تألیفیه دن | هیئت تألیفیه دن | هیئت تألیفیه دن |
| حافظ مصطفی صفوت | محرم لطفی       | حسین نجم الدین  | هیئت تألیفیه دن |
|                 |                 | علی حیدر        |                 |
| هیئت تألیفیه دن | هیئت تألیفیه دن | هیئت تألیفیه دن | هیئت تألیفیه دن |
| عبدالرحمن       | احمد مختار      | حافظ محمد زهدی  |                 |

حضور عالی مشیختناهی به

هیئت تألیفیه دن اعطا اولنان اشبو مضطه حضور سامی فتوا پناهیلرینه تقدیم قلمش اولمغه مقتضای حالک ایفا بیورلمسی باینده و هر حاله

امین الفتوی الداعی  
علی حیدر

۲۳ ربیع الاخر ۱۳۳۴